



MUBORAK TUMAN HOKIMINING QARORI

2020 yil "01" апрел

HQ-362/04-sonli

Muborak shahri

Муборак туманида дам олиш кунларида ярмаркаларни ташкил этишни самарали йўлга қўйиши чора-тадбирлари тўғрисида

Ўзбекистон Республикаси Вазирлар Маҳкамасининг 2012 йил 28 августдаги 253-сонли қарори билан тасдиқланган Ўзбекистон Республикаси бозорларида савдо фаолиятини ташкил этиш Қоидаларига мувофиқ, Муборак тумани худудида дам олиш кунлари ярмаркаларини ташкил этиш билан боғлиқ фаолиятни тартибга солиш мақсадида Ўзбекистон Республикаси “Махаллий давлат ҳокимияти тўғрисида”ги Конунининг I-боб, 6-моддаси ва VI-боб 25-моддаларига асосан,

ҚАРОР ҚИЛАМАН:

1. Муборак туманидаги фуқаролар ўзини ўзи бошқариш органларининг ярмаркалар ўтказиш бўйича берган тақдимномаларини инобатга олиб, “Муборак дехқон (озик-овқат бозори) ” МЧЖ худудида ҳар шанба ва якшанба кунлари соат 07-00 дан 17-00 гача ярмаркалар ташкил этилиши белгилансин.

2. Ярмаркаларда қишлоқ хўжалиги маҳсулотларини ва уларни қайта ишлашдан олинган товарларни, шунингдек илгари фойдаланишда бўлган ноозик-овқат истеъмол товарларини сотишга рухсат берилиши;

ярмаркалар худудида савдо ўринларининг бепул берилиши;
ярмаркалар учун ажратилган савдо ўринларининг тоза ва тартибли сакланишига сотувчилар масъул эканлиги кўрсатиб ўтилсин.

3. Ярмаркаларда маҳсулотларни сотиш куйидаги хужжатлар мавжуд бўлган тақдирда амалга оширилиши белгилаб қўйилсин:

товарга оид ҳужжатлар (тегишли маҳаллий давлат ҳокимияти органи, фуқароларнинг ўзини ўзи бошқариш органи томонидан берилган

сотилаётган маҳсулот жисмоний шахс томонидан унга ёки унинг оила аъзоларига ажратилган ер участкасида етиширилганлигини тасдиқловчи, белгиланган шаклдаги ҳужжат (маълумотнома));

сотувчининг шахсини тасдиқловчи ҳужжатлар.

4. “Муборак дехқон (озик-овқат) бозори” МЧЖ маъмурияти:

ярмаркалар ташкил этиш учун бозорнинг ахоли учун қулай бўлган кисмидан, бозорнинг умумий савдо майдонининг 5 фоизидан кам бўлмаган маҳсус жойлар ажратилишини;

ярмаркалар учун ажратилган худуддан савдо ўринларининг бепул берилишини;

ярмаркалар ўтказилишини оммавий ахборот воситалари орқали кенг ёритишни таъминласин ва бозорнинг кириш жойларига эълонлар жойлаштиришни ташкил этилишини инобатга олсин.

5. Туман давлат солик инспекцияси (А.Темиров) ҳар якшанба кунлари ярмаркалар ташкил этиш учун жой ажратилганлигини, ўтказилаётганлигини ҳамда ярмаркалар худудида савдо ўринларининг бепул берилишини ҳамда ярмаркаларда товарга оид ҳужжатлар мавжудлигини доимий назорат килсин.

6. Қашқадарё вилоят санитария-эпидемиология назорат бошқармаси Муборак туман филиали (Х.Казаков) ярмаркаларда сотилаётган маҳсулотларнинг турларига қараб жойлаштириш ва улар сифатининг санитария қоидалари, нормалари ва гигиена нормативларига тўғри келишини доимий назоратга олсин.

7. Туман ички ишлар бўлими (Т.Ҳайитов) бозор худудида ярмаркалар ўтказиладиган кунда жамоат тартибини сақлаш бўйича зарур чора-тадбирларни амалга оширилишини таъминласин.

8. Мазкур қарор “Муборак ҳаёти” газетасида эълон қилинсин ҳамда ҳокимликнинг Muboraktuman.uz расмий веб-сайтига жойлаштирилсин.

9. Ушбу қарор Ўзбекистон Республикаси Вазирлар Маҳкамасининг 2020 йил 23 март кунидаги 176-сонли “Коронавирус инфекцияси тарқалишига қарши қўшимча чора-тадбирлар тўғрисида”ги қарорига асосан карантин тугаганидан кейин кучга киради.

10. Мазкур қарорнинг ижросини назорат қилиш туман ҳокимининг биринчи ўринbosари (С.Нарзиев) зиммасига юклатилсин.

Туман ҳокими



Ғ.Джавлиев